

լով սա Գրիգոր երջանիկ և աստուածաբան վարդապետին՝ որոյ հայրն Թաճտին կոչի և մայրն Կիւլվարդ և քոյրն Ջարգար: Սա վասն վերոյասացեալ աւետակար պատճառացն ցանկացող եղև այս պատուական գրոցս. որ ասի այսմառաք ըստ իւրաքանչիւր աւուրց պատմութեանց, որ իբրև զըտւրաստան զմայլեցուցանէ զքիմս բանասիրաց. քանզի սա ի մանկութենէ անարգեաց զսէր և զհեշտութիւն, խոշորագգեստ լինելով մասհատ և պարկեշտ կրօնիւք. իբրև զտատրակ ողջախոհ քաղաքավարութեամբ զառօրեայ կեանս անցուցանելով և մանաւանդ որ բազում աշխատանս կրեաց վրտն ս. Երուսաղիմայ. զի այս քսան ամ է որ հաւատարմաբար և սրտցաւութեամբ ծառայէ Գերեզմանին Քրիստոսի, երբեմն ի Ս. Յարութիւն կալով, զձահս և զկանթեղս, զմոմս և զճրագս վառելով և զայլ ամենայն ծառայութիւն առնելով. և երբեմն հրամանաւ Գրիգոր հայրապետին ս. Երուսաղիմայ ի հեռուստ տեղիս՝ ի ծով և ի ցամաք զնալով, զմահ յանձն առնելով. և զպակասութիւն ս. Երուսաղիմայ հոգալով. և որ ինչ ի հալալ և ի յարգար վաստակոց իւրոց մասն բաժնի իւրն հանէր, ոչ վայրապար մսխէր և վատնէր. այլ զամենայն յաստուածակոյս կողմն ի յերկինս գանձէր անզրժելի գողոց և ուտչաց՝ ըստ Տեառն բանին, և յիշատակ հոգւոյ իւրոյ և իւրայնոցն արժանացուցանէր: Որ և մինն ի բազմացս գիրքս այս, զոր ի Թուականիս Հայոց ՌՁԲ (= 1633) ամին, գնացեալ ի Կ. Պօլիս, բազում ջանիւ և գեգերանօք եղ սկիզբն առնել զգիրքս զայս քահանայի միոյ Աւետիս կոչեցելոյ. և հհաս աւարտ սորին ՌՁԲ (= 1633) ամին, ձեռամբ սուտ անուն Յակոբ զպրի, յօգոստոս ամսոյ թ. ի և յաւուր շաբաթի. ընդ հովանեաւ Ս. Հրեշտակապետի: Եւ եղ զսա յիշատակ ի ս. քաղաքն Երուսաղէմ, ի գունն Ս. Յարութեան Քրիստոսի, որ է Վերնատուն Հայոց. որ երկրորդ Գողգոթայ կոչի. որ է վիճակ ազգիս Հայոց»: Երեմիա Քէօմիւրճեան եւս իր Օրագրութեան մէջ յիշատակած է Մհտ. Մարկոսը, որ 1649 Թուականին Օգոստոսի սկիզբը նաւ մը վարձելով՝ Կ. Պոլսէ Երուսաղէմ կ'առաջնորդէ իննսուն անձերէ բազկացած ուխտաւորներու խումբ մը, որուն մէջ էր ինքը Երեմիա պատանին, իր մօրը և անոր քեռիին՝ Մհտ. Ամբակունւմի հետ: Մհտ. Մարկոսի մասին տեսնել (Դարանաղի. նաև ՄՁ. Թ. 546):